



გაუმარჯოს თავისუფალ საქართველოს!
 გაუმარჯოს საქართველოს
 დემოკრატიულ რესპუბლიკას!
 გაუმარჯოს თავისუფალ ხელოვნებას
 თავისუფალ საქართველოში!

„თეატრი და ცხოვრება“

წლიურად 15 მან., ნახვარი წლით 9 მან. თითო ნომერი—1 მან. ხელის მოწერა მიიღება: თბილისში, ბაზრის ქ. № 20, ალექსანდრეს ბაღის პირდაპირ. თბილისი, რეგ. „თეატრი და ცხოვრება“ იოსებ იმედაშვილს.

1918 წ. № 12 კვირა, ენკენისთვის 2 ფასი 1 მან. წელიწადი შეეძვეს გამოცემის

ჩ ვ ე ნ ი დ ე ლ ე გ ა ც ი ა ბ ე რ ლ ი ნ შ ი



ს. კედია, გ. მაჩაბელი, მ. წერეთელი;
 ნ. ნიკოლაძე, ა. ჩხენკელი, ზ. ავალიშვილი.



სანდრო კეცხოველი

ძველი პოლიტიკური მოღვაწე ცისე-კატორდა-ციმბირ-ში სანგრძლივ ტანჯული, ცხინვალის პირველ ამბოხებაში წამებით მოკლული. (ხი. შემდეგ ნომერში ნ. მერკვიდიას მოკვება).



გენ. ალ. გრ. კონიაშვილი

სწრაფი ჩასაქრობად საქართველოს მტრების წინააღმდეგ მებრძოლ გვარდიის ერთი ხელმძღვანელი.

საირმ ლასარი

სხვა სახელი არ შემიძლია ვუწოდო იმ ლატარიას, რომლის ბილეთებიც უკვე გამოვიდა და ისყიდება.

ეს არის საქართველოს უნივერსიტეტის ქართული თეატრისა და ქართველ მსახიობთა კავშირის სასარგებლოდ განზრახული ლატარია.

ჩვენი ერის ფართო ნაწილის უკან ჩამორჩენილობის მიზეზი რო მისი შეუგნებლობაა სწავლა განათლებით მოუზადებლობა, ეს საიდუმლოებას აღარ წარმოადგენს.

და სწორედ ის დარგები, რომლებიც ჩვენში სწავლა-განათლებას უნდა ავრცელებდენ, უმაღლესი მეცნიერობის სხივებს ერში ფანტავდენ, დღემდე არა გვქონდა, ან მოისუსტებდა. ასევე სავალალო მდგომარეობაში იყო ქართული თეატრი, რომელიც წინად მუდამ ნამდვილ მოწამებრივს ეკლის გვირგვინს ატარებდა, ხშირად უბინაოდ წოწიალობდა, ბოლოს თავშესაფარიც დაეწვა და შარაზე დარჩა. ქართველი მსახიობის ბედი ხომ მუდამ სავალალო იყო და ამ სახელის მატარებელი რავდენათაც სცენაზე მეფე იყო, ჩვენთა გრძნობათა ბატონი, იმდენად კერძო ცხოვრებაში ჩაწიხლული, ჩამორჩენილი, ცაყირიყული..

ამიტომაც ჩვენის ერის გულშემატკივართ მოაწყეს ეს ლატარია, რომ ამ ჩვენი ეროვნული ნაკლის შევსება უფრო ადვილად შევძლოთ და მასში ყველამ მივიღოთ მონაწილეობა.

ვინ გამოსცა ბილეთი? ეროვნულმა საბჭომ, ქართულმა უნივერსიტეტმა და ქართულმა დრამ. საზოგადოებამ მსახიობთა კავშირთან ერთად. ეროვნულ საბჭოს მხრით ხელს აწერს გარეშე საქმეთა მინისტრი აკ. ჩხენკელი, ქართული უნივერსიტეტის მხრით — ივ. ჯავახიშვილი და დრამ. საზოგადოების მხრით — განათლების მინისტრი გ. ლასხიშვილი. მთელი ბილეთი ღირს 25 მან. მეხუთედი — 5 მან.

ვისაც ჩვენი ეროვნულ-კულტურული აღორძინება რაიმე ღირებულებად მიაჩნია და სამშობლო საქართველო გულით უყვარს, — ის თავის წვლილსაც არ დაზოგავს და ხელს შეუწყობს ამ ლატარიის ბილეთების დროით განადგებას. ნუ დავივწყებთ, რომ ამ ბილეთების კარგადი დინაწილი მომგებანია!..

ჩვენი სამშობლო

სალათას ძილით შეპყრობილი რომ თავს აიწევს და წამოდგება, მის გარეშე მოსაქვლესოდ შეკრებილით არა სჯერათ, თუ სალათას ძილში მყოფი ცოცხალია:

— ეგ მკვდარი იყო, მკვდარი, როგორ აღსდგება! იძახიან ერთნი.

— ვაჰი, რა ქელეს მოვცდითო! —

გაიძახიან მეორენი.

— ფიქრი ნუ გაქვსო, ისევ წაიქცევა და სულს განუტევებს.

გაჰკვივიან მესამენი.

— მაშინ მივსდგეთ და მისი ნამკვდრევი გავიყოთო.

სწორედ ასეთ მდგომარეობაში იყო ჩვენი სამშობლო და დღეს, ფეხზე წამოდგარს რომ ჰხედავენ, უკვირთ: ეგ ხომ მკვდარი იყო და როგორ ისულდგმულგმოსო? ხუმრობა საქმე ხომ არ არის, მთელი ასი წელიწადი მიწას გაყრიდენ, სულთათნას გიგალობდენ, შენს სახელს თვით შენს შვილებს მუქარით და ათასის მანქანებით ავიწყებინებდენ რა არის შენის მამულ-დედულით მოვლხინათ და ბოლოს თავი წამოიწიაო, — ეს ხომ მეორედ მოსვლაა...

და ეს ჩვენის სამშობლოს „მეორედ მოსვლა“ არა სჯერათ ჩვენის ქვეყნის სიკვდილის მონატრულთ, ჩვენი დასამარების მოსურნეთ...

ამიტომაც არის რომ ასე გამძაფრებით ცდილობენ ჩვენის ქვეყნისა და მის მესგულრთა დასამარებას.

როდესაც ასე იქცევა უცხო ხალხი ჩვენის სახელმწიფოს გარეშე მტერი, ეს ადვილად გასაგებია, მაგრამ შენ, ჩემო მრავალტანჯულო საქართველო სოფლის შვილო, შენ რაღა გემართება, რომ შიგა და შიგნტრის ანკესზე წამოგეგები და შეჰყვირებ ხოლმე:

— დაე, მტერმა გამქელოს, არც საკუთარი ქერი მინდა, არც სამშობლო მწამს, არც ჩემი მიწა-წყალიო...

არა მიწა-წყალს კი ებაღაუტები (ღმერთმა მშვიდობაში მოგანბაროს), მხოლოდ საქართველო და საქართველოს მთავრობის სახელით მართვა-გამგეობა კი შენს თავში ვერ შესულა...

— ჰაი, დედასა სად არის ი ტრაენიკის ან პრიტავის მითრახი რომ ერთი ცრემლს არ გადმომაყრევი-ნებს — ძირს ბატონს არ მომაგონებს და მაღლა ღმერთს.



—ხომ ამას ფიქრობ?

—ლმერთმა ნუ ქნასო... შემომძახებ და ისე კი იტყევი, რომ სწორედ ეს გენატრება.

საიდანა სჩანს?

ეს იქიდანა სჩანს, ჩემო ძმაო, სოფელლო მოქალაქევე, დღემდე რომ ყაზახ-ტეტისა გეძახდენ, ხან სად მიემზრები შენსავე სამშობლოს მტრებს. ხან სად? —ცხინვალშიო, დუშეთშიო, საჩხერეშიო, სოხუმშიო, ბორჩალოშიო, კახეთშიო...

ვინ არიან საქართველოს მტრები? —ყველა ისინი, ვისაც ჩვენი სამშობლოს თავისუფლება გულსა სძმარავს, ვისაც დღე ღამ ვერ მოუსვენია, როგორ თუ საქართველომ დამოუკიდებლობა გამოაცხადა, თავისუფლად ამოისუნთქა და ჩვენ მართველობის უფლება წაგვეერთოო, ყველა ისინი, რომელნიც ჩვენის ქონებითა და ჩვენის შრომით სცხოვრობდნენ —ვაა, შეხე ტუტუც ქართველებს, ხელიდან როგორ გაგვიფრინდნენო... ვინ არიან ესენი? ხალხი ყლაპია რუსები, კაციჭამია სომხები (შოკინისტებზე მოგახსენებთ), თავისი თავის უცნობი ქართველები, ყველა ისინი, ვინც ჩვენის ქვეყნისა და გლეხის ხარჯზე ნებივრობენ. ყველა ამათ საქართველოში ჯერ კიდევ კარგი ადგილები უჭირავთ, ასე იფიქრე სოციალისტობენ კიდევ, ჩვენის სამშობლოს ჰაერით სუნთქავენ და თავზე კაკალს გვამტრევენ.

ამ შემთხვევაში ყველაზე მეტად ვინ ზარალობს?

ზარალობს საქართველოს ერთგული ქვეშევრდომი მოქალაქე.

ვინ არის საქართველოს ერთგული ქვეშევრდომი მოქალაქე?

ყველა ის, ვინც საქართველოს მიწა-წყალზე დაბადებულ-აღზრდილა, საქართველოს თავის სამშობლოდ აღიარებს, მის მთავრობას ემორჩილება, საქართველოს ბედსა და უბედობას იზიარებს.

მაშ ვინა ყოფილან ესენი?

ჯერ უპირველეს ყოვლისა საქართველოს ძველის ძველი მკვიდრნი ქართველნი ყველა კუთხისა: ქართლელნი, კახელნი, თუშ-ფშავ-ხევსურნი, რაჭველნი, გურულნი, მეგრელნი, ლეჩხუმელნი, სვან-აფხაზნი და სხ. ერთობ ამერ-იმერნი. ამის შემდეგ ისინი, რომელნიც საქართველოს მკვიდრნი არიან, მაგრამ სხვა სარწმუნოებას კი მისდევენ: ებრაელნი, ქართველმაცხადიანნი, კათოლიკე და გრიგორიანი ქართველნი, სომეხნი, თათარნი, რუსნი და სხ. აგრ. ოსნი, ისინი კი არა რომელნიც ჩვენს სამშობლოს საიდუმლოდ ძირს უთხრიან, არამედ ისინი, რომელნიც ძილშიაც კი მდგრიან:

ჩემი სამშობლო საქართველოა,

ლამაზად შენკულ და მოქარგული.

და შვილებსაც ჩასძახიან:

საქათველოს შვილი ხარ, შვილო,

იციან შენი ქვეყანა...

დიად, ჩვენი კეკლუცი საქართველო ყველა მის ერთგულ შვილთა სამშობლოა. X

საქართველოს ყოფელი კუთხის შვილი თუ ერთმანერთს მხარს მიეცემთ, ერთმანეთის კალთას დავიჭერთ მაშინ გავძლიდრდებით. შეხე მტრები გველივით როგორ ჩაგვისინებენ:

—ვა, ერთი უყურე მაგ იმერლებმა ლამის საწყალი ქართველები ჩაყლაპონ, —გაიძახიან მართლა და ქართველების ჩაყლაპვის მონატრენი: მინისტარი გინდა—იმერელია, კამისარი გინდა—იმერელია, კანდისტარი გინდა—იმერელია... ვაა, შაშ რილას ქართველები ხართ თუ კი იმერლებს თავს წამოისხამთ...

ხომ გესმით?—განა იმერელი იგივე ქართველი არ არის... ჰაი, ჰაი, რომ არის. მაშ რაღათ გვაცალცალკეებენ?—იმიტომ რომ ჩვენის დანაწილებით თვითონ ამალდნენ.

მახეში აღარ გაება ჩემო ძმაო, სოფლის მოქალაქევე.—კიდევ გეტყვი: ამერ-იმერნი ერთი გვარი, ერთი დედამისი შვილნი ვართ; ხომ გაგიგონია ჩვენი სულმნათი აკაკისა:

„ჩონგური საქართველოა,
სიმები ჩვენ ვართ ყველაო,
სხვა და სხვა კუთხის შვილები...
ერთი მათგანიც რომ გაწყდეს,
მაშინვე უნდა შველაო.—“

მართალია ჩვენი სამშობლოს ყოფა ცხოვრება ჯერ კიდევ ისე არ არის მოწყობილი როგორც მოგვიხდება; მართალია თავისუფლება ბევრმა ისე გაიგო, რომ რაც შეიძლება ბევრი უნამუსობა ჩაიდინოს: უზომოდ ჰყვლიფოს ხალხი, იყაჩაღოს, ივაზაქოს; აქაო და მთავრობა ჩვენივე „ამხანაგებისგან“ შესდგება და ამხანაგურად გვექცევა ჩვენც „ამხანაგურად“ ვითევაოთ, სანამ წყალი მღვრივაო; ისიც სწორეა, რომ ჩვენმა ხალხურმა მთავრობამ ჯერ კიდევ ფიცი არ მიგაღებინა, სახლხო სადილი არ გაგიმართა და თითო ჯამფიელაკოვზი არ გაგატანა სახლში, ჯერ ხნობით სრულიად ვერ გავანთავისუფლა სიბნელისა და სილატაკისგან, მაგრამ იგი—საქართველოს მთავრობა მაინც შენი სისხლი და ხარცია, შენთვის მზრუნველი. რომ უკეთესი წესწყობილება მოგანიჭოს...

განა ბავშვი რომ დაიბადება უცებ ფეხზე დადგება? და ჩვენი ქვეყნის მართვა-გამგეობა ხომ ახლად დაბადებულ ბავშვსა ჰგავს. ადამიანის ჯანს რომ სენი შეეპარება, უცებ გაჰქრება? არა განა. და ჩვენი სამშობლოს სხეულს მთელი ას ჩვიდმეტი წელიწადი რომ შხამი ეწვეთება განა უცებ გამოეცლება?

ჩვენი სამშობლო თუ ქრისტეს უწინარეს საკუთარი სახელმწიფოებრივი ცხოვრებით სტკებოდა, მას შემდეგ თიოქმის ორი ათასი წელიწადი თვით გამგებლობდა, და ოქროს ხანაც კი შეექმნით, დღესაც ასე იქმნება, ოღონდ შენ მეტი შორსგამჭვრეტლობა, მეტი მუყაითობა, მეტი თვითმოქმედების უნარი გამოიჩინე შენი სამშობლოს-საქართველოს საკეთილდღეოდ.
იოსებ იმედაშვილი

ქართული საეკლესიო გალობა

ჩვენმა ბედკრულმა საქართველომ, უკუღმართო რუსეთის უღვთო და წაწყმედილი მადაგახსნილობით დამოუკიდებლობა დაკარგა. წარსული საუკუნის განმავლობაში მონობის უღელს ქვეშ გვატარა. ჩვენი ყველაფერი კულტურული დარგი საფლავის კარზე მიაგდო. უხსოვარ დროიდან, წმინდა მამათაგან კრების დადგენილებით დამტკიცებული ჩვენი ეკლესიის დამოუკიდებლობა, ავტოკეფალობა მოსპო, და ჩვენი უფლება მოსილი ეკლესია, მის (რუსეთის) უუფლებო ეკლესიას დაუმორჩილა და ვინ იცის რა უცნაური ძალმომრეობა არ იხმარა. მარა, ნამეტანმა ატროკებამ და უღვთო მოქმედებამ იგი დასცა...

თქმულება გამართლდა: გზა ნაგზურს და წყალი ნარწყულსო.

ჩვენმა ქვეყანამ კვლავ იხილა სინაილე. სამეფო აღზდგა და ეკლესიის ავტოკეფალობა განახლდა. ასრულდა ნატვრა ქართველთა. ჩვენი სიხარულის ბოლო დაუსრულებელია.

ჩვენი უღირსი შვილების მიხლა-მოხლა დროული და გარდამავალია. ლობიო რომ იხარშება კაკლები ირევიან ჭურჭელში, მაგრამ როცა მოიხარშება, კაკლები ერთი მეორეზე დალაგდება... წყალნი წარვლენ და წამოვლენ. ქვიშანი დარჩებიანო.

ახლა საჭიროა ჩვენის მხრით ყოველგვარ კულტურულ დარგში მუშობის გაძლიერება, რომ წარსულ უკუღმართ დროს მოუწყობელი და შეფერებული გამოაწყოს და რიგში ჩააყენოს. ყოველგვარი ჩვენი გადარჯულება გადმორჯულოს და გააქართულოს.

ჩვენს ეკლესიაში, ზადლობა ღმერთს, წირვა-ლოცვა ქართულად სრულდება, არ დაგვიწყებია იგი. მაგრამ, გალობის შესახებ რა ვთქვათ? იგი აღვიღა ჩვენს ეკლესიებში მხოლოდ ნასახია მისი. ქართველი ეკლესიისთვის, და ქართ. ყურთათვის შეუსაბამოა იგი. ქართველთა გულსა და სულს ვერ სწვდება-იგი მოსწონს მხოლოდ ქართველთა გადაგვარებულ ყურსა და გულს. ამ დარდს ჯერ ჩვენს განახლებულ ხანაში არავითარი ყურადღება არა აქვს მიქცეული.

ორი თვის წინეთ, ყ-დ სამღვდლო ქუთათელ მიტროპოლიტმა ანტონიმ გადაწყვიტა, რომ ყოველგვარი საშუალება იხმაროს ამის შემობრუნებისა და მშობლურ ნიადაგზე დაყენებისთვის; დაბეჭდა მოწოდება გალობისათვის გულშემატკივართა, საპატრიო პირთათვის იწვევდა მათ სათათბიროთ რა აერჩიათ კომისია ამ საქმის კეთილ დასაგვირგვინებლათ. მაგრამ ჩვენი ქვეყნის ათასგვარმა მიხლამოხლამ შეაჩერა ღრობით და დაბეჭდილი მოწოდებები ჯერჯერობით უმოძრაოდ აწყვია (ეს იყო ბათუმის დაცემის დროს).


ასეთივე მოწოდება ჩვენ წავიკითხეთ „საქართველოს 153-№—ში, მაღალ ყოვლად უსამღვდელესის თბილელ მიტროპოლიტის ლეონიდესი, რამაც ჩემში მეტი სიხარული გამოიწვია, მით, რომ გალობის აღდგენას კიდევ ყოლია გულშემატკივარი პატივცემული ბ. ბ. ი. გ. ივანიძის და მ. გ. მაჩაბლის სახით და იმედი ორკეცდება, რომ ქართულთა საზოგადოებაში კვლავ მრავალი აღმოჩნდება ასეთი დამხმარე... მაგრამ თუ როგორი სახით და რა წარმატებით განხორციელდება ეს, საქმე ამაშია“.

ჩემი ღრმა რწმენით, საეკლესიო გალობას არავითარი ჯიჯგნა არ უნდა დაუწყოს ვინმემ გადაკეთების სახით. ჯერჯერობით იგი უნდა აღსდგეს იმ წესით და სახით, რა განვითარებითაც იგი იყო, როცა ჩვენი ყველაფერი ჩვენობდა და უცხო ხმებით არ იყო იგი აფორიაქებული. სანამ ის თავის სისრულით აღდგებოდეს, უნდა დარჩეს იგი საუზიანი, სადაც სამს კაცსაც შეუძლია იგი იგალობოს სასიამოვნოთ და თუ გნებავთ ასსაც. როცა ამ ნამდვილ ქართულ კილოკავებს თვისი ეროვნული თვისებებით შესწავლის სიმტკიცით ჩვენი დღევანდელი გალობის გადაკეთების მოსურნე კომპოზიტორი (მე სახეში მაქვს მთელი საგალობლები, რომელნიც არა ერთი და ასია და არა მარტო წირვის გალობა), მაშინ შეეძლება ჩვენი გალობის გადაკეთებაში სამსახურის გაწევა, მაგრამ აქაც საჭიროა სიფრთხილე. დამწერნი, ორისამი კარგათ განსწავლილნი მუსიკოსნი უნდა იყვნენ და არა ერთი რომელნიმე თავის ჯინის და გემოს შემსრულებელნი. ასეთი სიფრთხილე მიტომაა საჭირო, რომ ჩვენს გალობას არ დაეკარგოს თავისი ნაციონალური სახე. ხშირად, ოთხ ხმაზე და წესის დროს ზოგ მუხლებს კვეცენ, რომ მეოთხე ხმას შეეწყოს და ამითი ქართულ ხმებს ეკარგება თავისი სახე და როცა ასე ხდება, ის გალობა ქართული აღარაა. ქართული გალობა ქართველის სულსა და გულთანაა შესისხლხორცებული და თუ ისე გადაკვემნით, რომ, ის ხალხმა თავისათ ვედარ იცნონ, ეს გაკეთება კი არა გაკეთებულის სიკვდილი იქნება.

დღევანდელი ჩვენი განათლებული საზოგადოება და მასთან ჩვენი კომპოზიტორებიც ევროპის ყაიდაზე სჯიან, მათი ყურთა სმენა სლავიანურ ხმებზეა უფრო შეჩვეული და არა ითქმის, რომ სლავიანური ხმები უფრო არ მოსწონდეთ ერთსაც და მეორესაც. ამ მხრივ ძალიან დაკვირება მართებთ, რომ ეს ეროვნული დიდება, ერის სიმდიდრე გაკეთების მაგიერ არ წარვანდინოთ.

დეკანოზი რ. ხუნდაძე





მხნევის ლანდი

ოცნებით ხან შენთან ვხარობ, ლანდს მივეუგებო წარსულ დღისას.
ლანდს მივეუგებო წარსულ დღისას, მაღალ მთაში მობინავეს.
ხან კი გულისა სევდა იხერხებს, წუთებს ვითვლი სიტოცხლისას.
წუთებს ვითვლი სიტოცხლობსას. სევდა თვალში ტრემლებს არხევს.

შენი თვალი, ვნებით მთვრალი, მეღანდება ღამის ფერად.
მეღანდება ღამის ფერად, და მიტრემლებს დადღილ თვალებს.
ვსტირი, ვგოდებ, შევას ან ვგრძნობ, ჩამოფეფითლდი სანთლის ფერად.
ჩამოფეფითლდი სანთლის ფერად, ნეტამც სულა რად ვაღალებს...

არ შორდება თვალთა ხედვას უიმედო შავი ლანდი,
უიმედო შავი ლანდი, უფერული ვარსკვლავთ გუნდი.
მინდა სევდა ავიცილო, გადავიხიო გულზე მანდა,
გადავიხიო გულზე მანდი, შევლასა კონოვ დამობრუნდი ..

ოცნებით ხან შენთან ვხარობ, ლანდს მივეუგებო წარსულ დღისას,
ლანდს მივეუგებო წარსულ დღისას, მაღალ მთაში მობინავეს...
ხან კი გულისა სევდა იხერხებს, წუთებს ვითვლი სიტოცხლისას.
წუთებს ვითვლი სიტოცხლისას, სევდა თვალში ტრემლებს არხევს...

ზაირა



მარიამ მის. გიგოშვილისა
ქართული სცენის მოყვარე ათი წელიწადია, ქართ. სახალხო სცენაზე მუშაობს. უკანასკნელი ოთხი წელიწადი თათრულ ოპერეტ „არშინ მალალან“-ში გულჩორას როლს ასრულებს. ამ ჟამად მძიმე ავადმყოფია.

უ ვ ა ვ ი ლ ი

ერთხელ კიდევ, ც-ს ტატობზე,
მაუწვდინეს ვარსკვლავთ-მოვარეს,
მოკრძალებ-თ ჩუმი კოცნა...
შორდებოდნენ ჩუმის მალვით,
მათ მზის სვლაში ცრემლი ღვარეს,
მზემ სხივებო ამოსტყარცნა!..

ჩაეკონა ვარდ-ყვავილებს,
მათზედ მჯღარი ნამი ცვარა
დაამშვენა ოქროს მძვად...
მის ნათელში ვარსკვლავ მთვარე,
დაილივნენ ცრემლთა ღვარით,
დაილივნენ ცვად... ცვად...

ერეკლე ყანჩელი

ჩემი სიმღერა

სიტოცხლე მსურს, მანობაზე ფიქრებს ღარ ენდები,
ღარღვა გმირი ამირანი, დამსხვრია ხუნდები
საფლაგის კარს მიტანილი ბრძოლისკენ ვბრუნდები.
ვობრძვი, თუმც ვარს მარტყია მესაფლაგეთ გუნდები;
სულთათანას გალობა, მოზარეთ მოძახილი,
გვიან არას, შორს ჩემგან, ხელთ მიპყრია მსხვილი.
ღირსეულათ გზას ვიკვლევე თვითარსება მწადა
ჩამომესსენ ქვემდრო დედინაცვალ გადა!..

მუშა არ. ხაფთას



ვანო გიგოშვილი

მთარგმნელი თათრულ ოპერეტების „არშინ მალალანის“ და „მამტი იბადისა“. თვითგანითარებული. მისგან ნათარგმნ ოპერეტებს პროვინციაში სდგავენ მის ნება დაურთველად. ამიტომ აცხადებებს, არავის ნება არა აქვს ეს პიესები ჩემს ნება დაურთველად დადგასო

ახალგაზრდა მწერლები



რ. თუხუცაძე

(დავით ჩხეიძე)

მოლოზანი და
მზე-ჭაბუკი

მიყვარს, სატრფოს შორეული ძახილი... მიყვარს ღამისა და დღის შეყრის წამი. იწინაბაღის კრეტსაბმელი არც კია აწეული, რომ გავეშურები ხოლომე ქალაქ გარედ, ავდივარ სერზე და იქიდან უყურებ ცოცხალს სურათს დღე ღამის ტრფიალებისას...

ღამეს ვადარებ ცხოვრებისგან განდგომილს მოლოზანს, რომელმაც არ იცის სიგიჟმეჟე, არც სიცილი, არც სიტკბოება ხორციელი ტრფობისა...

აი, ამ ღამე-მოლოზანს შეიყვარებს მზე-ჭაბუკი განთიადი... შეიყვარებს მზე-ჭაბუკი და გაუგზავნის უსტარს შეუქურ ვარსკვლავის ხელით. რა საპიჯნურო ლექსები არა სწერია შიგა...

წაიკითხავს თუ არა მოლოზანი ათრდოლდება შიშისაგან... ათრდოლდება მთელის თვისის ქალწულებრივი ბუნებით და გაფითრდება... ტუჩის ფერი დაეკარგება...

განთიადს უფრო უცხოველდება ტრფობა. უხშირებს წერილების წერას...

მოლოზანს ტანჯვა ეუფლება...

შიშნეულობს: განთიადი საამო რასმეს არ მიპირებდესო...

მაგრამ შიშთან რაღაც უჩვეული გამოუთქმელი გრძნობებიც ელვძება...

თან და თან უჩინარი ძაფები ებმემა მისა და განთიადს შორის...

მართალია, ეს გრძნობა ჯერ გაურკვე-

ველია, უსახო, მაგრამ საამო, იღუმალი ზილი მოისმის უცხო, განუცდელ გრძნობის გვერტისა.

მოლოზანი სწუხს, როდესაც განთიადი დაუგვიანებს უსტარს. მაგრამ საკმარისია გამოჩნდეს შეუქურა, რომ მოლოზანმა შუბლის კობი შეიკრას... განგებ აიმზაროს... თავის მოკატუნება ხომ ქალების ნიქაა... ის ხომ მათი უბადლო თლისმია მამაკაცების თვალების ახახვევად... ჯამბაზურად დასამარცხებლად...

აი, შათირნიც აახლა მზე-ჭაბუკმა—მთიების მუზარადით დაგვირგვინებული შათირნი...

აი, თვითონაც მორკმით ამოიხედა მის მწვერვალთან...

—ნუ, ნუ ჰოთოთი გენაცვალე!.. ერახელ, მხოლოდ ერთხელ მსურს შემოგხედო...

ვიშ, რა მომხიბლავი, რა წარმტაცი რა? აყოფილხარ!..

გულიკო, გულიკო! რომ იცოდე რა რიგ მიყვარხარ... ჯერ არც კი მენახნე რომ შენი ეწი გულში მქონდა ჩაკვესილი... ხან მაკნესებდა და ხან მანეტარებდა...

ჩემს სიზმრებში შენ, მხოლოდ შენ რყავ გაზაფხულის დედოფლად... შენმა ტრფობამ შემაქნევინა უამრავი სიყვარულის ზღაპრები...

ამ ზღაპრებს საბრალო ადამიანი-მგოსნები მარადის ამღერებენ თავიანთს ქნარზე...

როგორც კი მიმეძინება მათი მწვერვალზე-იგინი ნაბ-ნაბით მომიახლოვდებიან, ნაარავენ შაირ-სიმღერებს და თავიანთად ასაღებენ.

წამოღო ჩემთან, საესავო!.. წამო ჩემს ბურჯზე!..

იქიდან გადმოცხედოთ ტურფა ბუნებას... სხივების ყაყაჩოებით დავამშვენოთ არე-მარე...

წამოღი ჩემთან და შენ შეიქმნები ქვეყნის თვალი... ყველა შენ დაგიწყებს ქებათა ქებას...

ნუ, ნუ ჰყოყმანობ, გენაცვალე, ნუ...

რა არის ალთქმა, მოლოზანად აღკვეცა?..

რა საჭიროა ლოცვა მწირული?..

ვით შეიძლება აქ არსებობა?..

აქ სინესტეა... სიყურსეა... აქ სიბნელეა

გაუთენები... აქ ობი მოეკდება ყოველგვარს

სწრაფვას... აქ ჟანგი ჩაჰკლავს ნაკურთხს ეშ-

ხს სიცოცხლისას... (დასასრ. აქნება)



ლ ა მ ე

ასლამოვდა. თუმცა მზე ჩაიწურა, მაგრამ მის უკანასკნელი სხივები ჯერ ისევ ცის აწითლებულ ლოყებს ეაღერებოდა, როდესაც მრავალ ტოტებიან მუხამ მელანივით შავი ნოხები გაშალა თავის ქვეშ და ბინდი დასადგურა. წამოიპარა ბინდი კლდის ნაპრალიდანაც, წნულ ღობებს ჩაჰყვა, ბუჩქებში შევძინებულად გაიშალა და მუხის შავ ნოხებამდის მიადწია. ღამის ფრინველის ფრთების ფართხუნით შეშინებული ბაჭია, ყურების პარტყენით სკუპსკუპით ბუჩქნართა მუქ ბადეს მიეშურა, მიიმალა. დასავლეთ ათჯერ ისევ უნაბის ფერ ცაზეღ, საღამოს ვარსკვლავი აკაშკაშდა. მიყუჩდა ასე. ტბიდან წამოწეული ნისლი მინდორ-ქალებში გაიძენდა, ნედლ ბალახს სინოტივ გამოსცა. ბინდი გამუქდა, ბინდი შედედდა. ღამეა, ღამე...

კლდის ქიშკა დაღრეჯილ ას წლოვან კაკლებმა და მუხებმა რაღაც ფანტასტიური სილუეტები შეადედეს. ბუმ ტყეს გაჰყვირა; ტყეში ვიღამაც გაღიხიხითა. მალე ჭინკებიც ბუქნას გამართვენ, ტყის პირას ციციანთელებმა თვალბუქინა გააჩადეს. მისტიური თრთოლა გაჟდა ძარღვებში. ცის ტატნობისაკენ აწოწილი ვერხვები ერთმანეთარი რაღაცას დუღუნებდნენ; ჯადონსურ ზღაპარს თუ ამობენ! გრილა, სიომ ეხლაც არ მოისვენა, ტყიდან ჩამოისისინა, ჩამოთამაშა ბუჩქნარებს, რაღაცა წახურჩხულა მათ და ცელქათ გაინავარდა მინდორს დანამულ ყვავილებსაკენ. ბუჩქები შეტოკდნენ, აშრიალდნენ; ნიავის მოტანილი ჭორი ერთმანეთს გაუზიარეს, გაშტერდენ, ჩასთვლიმეს. ცნობისმოყვარე ლერწმებსაც უნდოდათ რამე გაეგოთ, თავი დაჰხარეს ბუჩქებისაკენ, მაგრამ რაკი ვერა გაიგეს რა, თავი გაიქნ-გამოიქნიეს ცახცახით და ცისაკენ აიწოწნენ. ცა მოკირწყლულიყო მნათობთა რაზმებით. ღამეს სთვლემს ღამეს სძინავს ვარსკვლავთ უსიტყვო ლეგენდა-ზღაპრით

მიბნედილს. ეს არის ერთი იმ ღამეთავანი, როდესაც ადამიანი უფრო და უფრო გრძნობს სულის სიმარტოვეს, თვის უმწეო მდგომარეობას ყოვლად შემძლე ბუნების მარტოა ადამიანი ამ დროს, ყველა ღამის შავი ხავერდოვან ძოწეულშია გახვეული, იგი არავის ხედავს, მხოლოდ გრძნობს თავის სულის კვეთებას, თავის არსებას. ეყურება თავის გულის ყრუ დაგიდუფიც. ეს იმ ღამეთავანია, როდესაც ადამიანს სწყურის მეგობარი სურს მახლობელი, აზრების გამზიარებელი, სწყურს სიყვარული... სწყურს ვინმე, რამე; ეძებს ვიღაცის თბილს ხელს... მაგრამ ეგებ ყველა ეს ღამის ბრაღია?! თორემ ადამიანი ხომ მარტოა? ვიბილა ქვეყნად და არა მეგობრით? დიად, მარტო!

მარტო იყო მაშინ, მარტოა ეხლა დამარტოკა ამოუთა სული, თუნდ ეხვიოს მას ვარსკვლავი უმრავლესი მეგობრებიცა... შარაზედ თხა თავის ქნევით მოაპაკუნებს ფეხებს: უცებ შესდგა, წვერები გააცანცარა, ისკუპა და დაიტიბა, გაიქცა კუნძის დაშინებული—მგელი ეგონა. გაკურცხლა თავის ამფსონების საძებნელად.

ეს იმ ღამეთავანია, როდესაც ტყეში დარჩომილთ აპრიალბული ტკაცუნა ცეცხლი თვის გარშემო ერთმანეთს შეაჯგუფებს სოღზე. აქ ცეცხლის ირგვლივ სჯიან, ბასობენ, ერთმანეთს გულს უშლიან, მუსაიდობენ. ირგვლივ ხავერდოვანი ღამე გაღრმავებული. ღამის სიღრმეში მგლები დაწანწალებენ, ყმუიან, თვალებს აელვარებენ... ცეცხლთანკი თბილა კარგა, ზღაპრებს ამობენ. ცეცხლი ხალხს აერთებს წყვილად-ღამეში ალიონის მლოდინში.

რა მშვენიერია ღამე, რა მისტიური მყუდროებაა გამეფებული. ციციანთელები ჯერაც არ მოქანცულან თვალბუქინას თამაშობით. ბუ კვლავ გაჰკივის!..

მილოზი-მიშა ლომიძე

ს ა ლ კ ი ი (საჩხერის გმირს გამყრელიძეს)
 შენ მამაპაპის სული გამკობს, მიტომ ხარ გმირი;
 მან ბრძოლის ხმაზედ გაიღვიძა, დაჰკრა საყვირი!
 და მოუწოდა შენებრ გმირებს, იხსნას მამული,
 ქარაველთა ოფლით მონაგარი, სისხლით ნამული!..
 ეგ მთა-ველები, ციხე-კოშკნი, ძველთა-ძველები,
 წარსულ ბრძოლების მოწამენი, უტყვი მთქმელები,
 ხმა იღუმალითა ეგეც გვიხმობს, გავხდეთ. მცველები,
 ვიხსნათ სამშობლო წინაპართა ბრძოლას ველები!
 სირცხვილი იმათ, ვანც ვერ იცნო მშობელი არე,
 და ვნც თვის მოძმეს გაუთხარა შავი სამარე,
 ბრძოლა მათ მკვეთრი და მედგარი, დაუნდობელი,
 ალაში გმირებს, დაღუპულთ-კი შესანდობელი!..

მუშა მის. დევაძე



„ცხრა ბარათი“ დან

აღბად, ზოგიერთ დაინტერესებულ პირთ მოეხსენებათ, რომ ამას წინად თბილისში, ფიქრისგორის გადასწვრივ, გარდაიცვალა ერთი ახალგაზდა ცირა: ს. ჯ. მის ხელნაწერ რეველებში „დღიურების“ გარდა, აღმოჩნდა უამრავი წერილი ერთი ჩვენი მოშიარე-მგოსნისა. ჩვენ ამ ხელნაწერიდან ამოვარჩიეთ მხოლოდ ცხრა ბარათი. ყველა კი იმდენი იყო, რომ ერთად რომ შეგვეკრა თექვსმეტ კარიან „ყარამინანს“ აღემატებოდა თავის სიმსუქნით. ეს ცხრა წერილი, რომელსაც მაინც და მაინც არა აქვს ინტიმიური ხასიათი, გაუგზავნეთ ავტორს და შევეკითხეთ: ნებას გვრთავს დაგბეჭოთ თუ არა? პასუხი მივიღეთ. წერილის ქიმზე ეს მიეწერა: „დაბეჭდეთ რა! გრიშაშვილი.“

რედ.

—,კარგი ხარ მგოსნო, კარგი! მაგრამ ერთი ცუდი ჩვეულება გაქვს: ჯიუტი ხარ! თავიერძი! ასახვ ხოლმე ქედმაღლობის გულქანდას გორჯობის ყაითანზე და იქიდან ერთი მძივიც კი არ გემეტებთ სხვისთვის“ —ო!

შენი წერილი, ჩემო კარგო, ასე თავდებოდა. მაშ მომისმინე.

რასაკვირველია, შენი ბარათი ეხება ჩემ მიერ ჩემი ლექსების კითხვას.

კეთილი და პატიოსანი!

და ამ ამონაწერ სიტყვებით კი იმას მიკვირებთ, რომ მე სცენაზე იშვიათად ვკითხულობ ჩემს ლექსებს და თუ ვკითხულობ, მაშინაც კი რაღაც ორიოდ ლექსს წარმოვსთქვამ ხოლმე?

ხომ ასეა? არა?

ჰმმ! „ეშხი“ იცი რას ნიშნავს?

რუსულად ამ გრძობას „ნასტროენი“ ეწოდება მგონი! მე კი ქალაქელი ბიჭი ვარ და მოდი „ეშხს“ დავარქმევ.

ოო-ო! ეშხი? ეშხი პირველი საქმეა!

ჯან! რა კარგია „ეშხი“ და! თუ ადამიანს ეშხი არა აქვს, მორჩა, იმისი გაფოთლილი ხე ვერავითარ ნაყოფს გამოიტანს.

იქნება მითხრა: „შენ რა ნება გაქვს შენს თავზე იფიქრო, შენ ჩვენ გვეკუთვნიო“ და სხვა...

აი, უცნაური კითხვა—ვინ ფიქრობს მერე?

მე რომ ჩემს თავზე ვფიქრობდე, შენმა გაზდამ, ლექსებსაც კი არ დავწერდი! და...

ლექსის წერაც ხომ ერთგვარი ავადმყოფობაა!

რაკი ეს პოეტობა თუ რაღაც ჯანდაბა და დოზანა—ღმერთმა სასჯელად მიბოძა, მეც ვიზიდი ამ ყავლ-გაუხსელელ ცოდვას.

მაგრამ მომისმინე:

მე როცა სცენაზე გამოვდივარ, პარტერში უეჭველად ერთი ვინმე უნდა მყავდეს. სულ ერთია ეს „ვინმე“ გვირგვინოსანი იქნება, თუ ტაშნიკ-აულებელი.

უკანასკნელ საღამოზე კი ასეთი „ვინმე“ არა მყავდა პარტერში და მაშასადამე „ეშხიც“ აღარ იყო.

უეშხოდ კი თვით ანტექრისტე რომ ჩამაცივდეს

თავის ტარტაროზებით, ლექსს ვერავინ ვერ მოსძებნის ნებს ძალათი.

ასეა და რა წყალში ჩავეარდე, ჩემო.

აბა, მე რა ვქნა, რომ მგოსანი ერთისთვის კითხულობს და მრავალი კი სტკბება?

.....

წავიკითხე ორი ლექსი. უგულოდ წავიკითხე. ჰაი-ჰარად. ნაჩქარევად. თითქოს ვცდილობდი, რომ რაც შეიძლება ჩქარა დავმორებულიყავ პარტერს.

თქვენ კვლავ გასურდათ ლექსები... მე კი უჯი-თობა გამოვიჩინე და აღარ „გაღირსეთ მძივი გულქანდისა.“

ხომ?

საქმე არც აგრე გახლავს და! კვლავ რომ წამე-კითხა ლექსი, ეს ოხერი ეშხი აღარ მექნებოდა და უეშხოდ ლექსის წაკითხვა კი ცოდვია ხელოვნების წინარე. ღმერთმანი ცოდვია!

მე ვიცი იტყვი: „ჰაიდაჰაი! დიალ! როგორ არა; ის ორი ლექსი რომ მოეწონა ყველას და კვლავ სურდათ შენი ნახვა, სჩანს ეშხიც გქონდაო.“

აჰ, არა, არა! აბა გულნარას ჰკითხე; იმას ბევრჯელ გაუგონია ეგ ლექსი-და ის გეტყვის რომ არ იყო ჩემებურად დამარცვლული!

გარდა ამისა მე რომ სცენაზე ლექსებს ვკითხულობ, უამრავ გრძობას ვხარჯავ. ვიღლები. რაც გრძობა მაქვს თქვენთან ვტოვებ, მე კი დაღუპული გავდივარ სცენიდან.

„აი მიზეზი სულო ჩემო, აი მიზეზი,“ თუ რატომ ხშირად არ ვეწვევი ხოლმე ჩემს საყვარელ სცენას.

ყუარათობ, გესმის, ყუარათობ!

ჩემო გოგონი! მე ხომ მსახიობი არა ვარ, რომ სცენაზე სხვისი ტანჯვით გავიტანჯო, ავკაეშნდე სხვისი კაეშნით, შევფერიანდე სხვისი ღიმილით ან-და ავღი-ტინდე სხვისის ალერსით.

მეცა მაქვს ჩემი „ღელვა სულისა,“ მეცა მაქვს ჩემი საკუთარი გრძობა, რომელსაც ვერ ვაძგერებ „ძალდატანებით!“


თქვენ—საზოგადოება—ფიქრობთ თქვენს დატკობაზე და ოდესმე დაფიქრებულხართ, მგოსნის ტანჯვაზე?

მე მინდა ჩემზედაც იფიქროთ ხოლმე ხანდახან.

მე ხომ არ შემიძლიან: გატეხილ სულით თუ მოთენთილ გულით წარმოვსთქვა ლექსები სცენიდან, მხოლოდ იმიტომ, რომ ეს „თქვენა გასურთ!“ და ჩემის უსატრფოოდ მდგომარეობით თქვენ სატრფოთათვის აგაგზნოთ მე თქვენთ მარაო არა ვარ რომ ნაძალადევი ვნებათა-ღელვა გაგიგრილოთ!

„ნუ იყოფინ აგრე, ნუ იყოფინ.“

რაც გასურს დამავალე, რაც გასურს მიკვირე, მაგრამ უეშხოდ სცენაზე ლექსის წაკითხვა კი—ფას! არ შემიძლიან. ჰო, არ შემიძლიან! არ შემიძლიან, არა! არ შემიძლიან-მეთქი! ღმერთმანი არ შემიძლიანს ახა, ღმერთო ჩემო, არ შემიძლიან და რაქნა?!



რაფ. ალ. ივანიცკი (რ. ინგილო)
საინგილოს წარმომადგ., საქართ.
ეროვ. საბჭოს წევრი, პუბლიცისტი



გიორგი ნიკოლ ძე ნიკოლაძე
ვაჭრობა-მრეწველობის მინისტრის
ამხანაგი



ხან სოელი
ადერბეიჯანის მთავრობის თავმჯდ.

ო ც ნ ე ბ ა

სიერმიდანვე დასტირფი ჩემს სამშობლოს, მონურ მსარეს,
მისი ხეკრით ვიტანჯოდი, მზეს ვეფოდი მოეღვარეს,
და დაფრენდი ცის სივრცეში, ვშორდებოდი ტურთა მდელოს,
სად ოცნებით მე ვზოებდი თავისუფალ საქართველოს;
და იქ მხოლოდ განვიცდიდი წუთიერსა სიამაყეს,
იქ ვხედავდი ქედმოღერილ ქართველ გმირებს მოამაყეს.
და იქ იყო ჩემი ბინა, საშლოცველ ჩემი ხატი,
ფრთა გაშლილი საქართველო, ოცნებითა დახასიატი...

ა ღ ფ რ თ ო ვ ა ნ ე ბ ა

განგებოთა საქართველომ მტრები თვისი კანიშორა,
ამიანხმა ბორკილები დალეწა და მოიშორა,
აღსდგა შეგდრებით საქართველო, ხმა მოამესმა ძირს მიწიდან
და შეც ღაღი, ფრთა გაშლილი, გადმოფეშვი ცის სივრციდან.
შევიკვეცე სისხრულით საოცნებო ჩემი ფრთების
და განვშორდი ტკბილ ოცნებას, ამიცხადდა იმედები
რა ვიხილე ტურთა მსარე მდეღვარე და მოამაყე,
განვიცადე სიტკბოება და უბედური სიამაყე.

მ წ უ ხ ა რ ე ბ ა

მაგრამ დახეთ მუხთაღ ბედსა, აბა იმას რა უწოდო,
ან ჩემ გუღსა, დადაგუღსა, მე რა რიგათ მოუწოდო...
ძმა ძმის სისხლში ხელებს ისფრის, დაკვდებოდა შავი დღენი,
დარევიან ერთმანეთსა გონ დაკარგულ ქართველო ძენი...
ღმერთო, ღმერთო! რასა ვხედავ, ან ამ დროს რათ მოვესწარი,
ნუ თუ მარად უნდა მტანჯო, სიერმიდანვე გულ დამწვარი?!

დედაქალაქი.

ვარლამ ჩლაიძე



პოლკ. ავტ. აბესაძე.

საქართველოს წარსულიდან ისტორი-
ულ წერილების მწერალი, ქართულ
ჟურნალ-გაზეთების თანამშრომელი და
შეგნებული მამულიშვილი მხედარი,
ღარადის სეობის კარის რეველი
რამზის უფროსი ბოლშევიკთა შემო-
სევამდე, რომეღმაც პირველად წინ
წამოწეული ბოლშევიკები ძალზე და-
ამტრეს. ამ უამად სამსახურიდან
გადაყენებულთა და შინაურულად და-
ტევეკებულთა. თხოულობს სიამართლის
ადგენასა და გასამართლებას.



საქართველოს საშინისტრო

სახელმწიფო სახელმწიფო შიო, ასეთია კერძოდ მწერლობა და საზოგადოთ ხელოვნება. ჩვენი სახელმწიფო ჯერ კიდევ მონობის კირთებს ჰზიდავდა, მწერლობა შეხუთული იყო და ხელოვნება დახუნდული, რომ ჩვენმა სამშობლო სცენამ და კალმის ეზოპისებურად ხმარებამ თვისი ჰქმნეს: ქართველობაში შეიტანეს თვითცნობიერება, სოციალური და ეროვნული აზროვნება მოამზადეს, ხალხს სამშობლო და კაცობრიობა შეაყვარეს.

და თუ ჩვენის კუთხის მიყრუებულ ადგილებში ჯერ კიდევ ველურობა უფრო სჭარბობს, ვიდრე ადამიანობა, თუ ეროვნული და კაცობრიული თვითშემეცნება უფრო მცირეა, ანუ სულ არ მოიპოვება, ეს მხოლოდ იმიტომ რომ მწერლობა ხელოვნების სხვის იქ ჯერ კიდევარ შეუშუქებია მიუხედავად ყველა ამისა, ჩვენმა მწერლობა-სცენამ ჩვენს მონობის ხანაში ქართველ ერს მაინც სამსახური გაუწია და ეს არვის არ უნდა ავიწყდებოდეს ნამდვილად-კი რა ხდება?! ჰხდება ის, რომ დღეს სწორედ ეს დარგია მივიწყებული: თითქოს არავინ ფიქრობს ჩვენთვის საჭიროა თუ არა დრამატული-მუსიკალური ხელოვნების გაძლიერება, განვითარება!.. არავინ ფიქრობს საჭიროა თუ არა დაბასოფლებში ლექციების და ბუნდოვან სურათებ-თ სახალხო საუბრების მოწყობა...

ყოველივე ეს საჭიროა ჩვენის ერის ას ღორძნებლად და გასათვითცნობირებლად, რომ ხელახლად არ შევიქმნეთ მომწმენი იმ ძმათა შორის სისხლის ღვრისა ჩვენს ქვეყანაში რო მოხდა. არც ერთი დარგი კულტურისა და მეცნიერებისა ისე არ განაპეტაკებს ადამიანს, ისე არ აამაღლებს ყოველ მხრივ, ვითარცა რიგინად დაყენებული სასცენო ხელოვნება, მხატვრული მწერლობა, ეროვნული მუსიკა და საერთოდ ხელოვნება.

მეორეს მხრივ ჩვენის ხელოვნების ას, პარყზი იმდენად გაფართოვდა, იმდენად

გამრავალსახვედა, რომ აუცილებლად საჭიროა მისი მთავარი გამაერთიანებელი და მცველი მმართველობა.

ამიტომ, როდესაც ჩვენი ზოგიერთი სახელმწიფო მესვეურნი ჯერ კიდევ იმაზე კამათობენ - ხელოვნების დარგს ცალკეუწყება მივანიჭოთ თუ განთლების უწყებას მივაკოსოთო, მწარედ გვეცინება: ჩვენ არა ერთგზის მოგვითხოვ არამე ამ დარგს ჩვენს სამშობლოში განსაკუთრებული მართველობა უნდა მიენიჭოს და შეიძლება იმდენი სკოლამ ვერ შესძინოს პირველხანად მაინც, რადენსაც შესძლებს სცენიდან წარმონათქვამი ცოცხლი სიტყვა, სცენაზე განსახიერებელი ცხოველი სახე სულსა და გულის განმსპეტაკებული სიმღერა-გალობა...

მაშ ჩვენი სახელმწიფოებრივი მათნი, ნუ გადაელობებიან საქართველოს ხელოვნების ცალკე სამინისტროს შექმნას: ჩვენს ხელოვნებას ამის უფლება წარსულმა მიანიჭა, აწმყომ უნდა განუმტკიცოს...

მის შესანახ ხარჯებზე ლაპარაკიც კი მეტია: თავისი სახსრითაც რომ ვერ იჩინოს თავი, სახელმწიფო ხაზინა მაინც მოვალეა გაუძღვეს.

ეს წერილი დააბეჭდად გაშვებლი იყო, როდესაც ეროვნულ საბჭოს ხელოვნების კომისიამ გადაწყვიტა, დაარსდეს „ხელოვნების მთავარი გამგებლობა.“ იმედია, ეროვნული საბჭო ამის კანონპროექტს დამტკიცებს.

იოსებ არიმათიელი

კაპეანი

როცა დაჰქრავს თორმეტი, მოდა ჩემთან ვარდო: ვინ იქნება ჩვენს მეტი აზრან. თრნი. მარტო.

ჰაკეპანი! რა სიტყვა, ზურმუხტი და ჩაზი მაკონდებს შავი ზღვა და ჩემი ღამისი!

მარტო შვიდი ასოა მაგ მზიან სიტყვაში და რამდენი აღერსი არის ჰაკეპანი!

სანდრო ჩაჩიკაშვილი.





სოფლის ხეში მუშაკნი

ძმანი არჯევანიძენი

ჩვენი ქვეყანა რომ უმითაგრესად სასოფლო მეურნეობის ქვეყანაა, ამას მტკიცება აღარ უნდა. უბედურება მხოლოდ ის არის, რომ ბუნებით უხვს ჩვენს ქვეყანას გონიერი და რიგიანი მომვლელი დღემდე არ ჰყავდა, ჯერაც არა ჰყავს, მეურნეობა პარველყოფილ მდგომარეობაშია. ადგილობრივ მცხოვრებს ბუნება რასაც აძლევს, მით კმაყოფილდება მიწინ, როდესაც გონიერი და გამრჯე მარჯვენა ჩვენს ქვეყანას სამოთხეს დაანსგავსებდა.

აღბად ასე უყურებდნენ ქვეყნის ერთგული მოყვარულნი შვილნი ჩვენის სამშობლოს ასეთს ბუნებრივ სიმდიდრეს, რომ თვითონ უყვირლად დაიწყეს ჩვენს დაბა-სოფლებში ინტენსიური მეურნეობის წარმოება: მეფუტკრეობის, მესაქონლეობის, აბრეშუმის ქვის და სხ. გაჩენა.

ფრიად მძიმე იყო ასეთ მუშაკთ მუშაობა, ნაწ-ეკლებით იყო მოფენილი გზა მათი, მაგრამ მიუხედავად ამისა იგინი მინც წარბ შეუხრელად მიდიოდნენ ჩვენს ყრუ სოფელში არა მხოლოდ სიტყვიერი საქადაგებლად, არამედ საქმის საკეთებლად ქვეყნის საკეთილდღეოდ.

როგორც უკვე აღვნიშნეთ ასეთები იყვნენ და არიან: ქართლ-კახეთში; კ. ამირჯები, ძმანი ან. და ნ. არჯევანიძენი, მეფუტკრე ბაგრატიანი, მიხ. ერისთავი, ის. ფურცელაძე, ხვედურელი დ. ცაცაშვილი, მეუღლენი მამაცაშვილნი, ალ. სუმბათაშვილი, ჯანდიერის ასული (წაღლესი სამეურნეო ცოდნით აღჭურვილი) და სხ.

ყველა ესეთნი მუშაკნი რაში არიან დამნაშავენი? მხოლოდ იმაში, რომ ზოგიერთ მუქთაზორა ბედოვლათ თავადიშვალეებსავით თავისი მამულ დედული ბანკებში არ დააკირავეს, არ გაყიდეს, ანუ ვისაც მამული არა ჰქონდა — შეიძინა და სოფლად გონივრულ-წესიერი მეურნეობა მოაწყო.

ერთი ასეთი ჩუმი სოფლის მუშაკთაგანნი არიან ძმანი ანტონ და ნიკოლოზ არჯევანიძენი. ვინ არიან ესენი?

ძმანი ანტონ და ნიკოლოზ არჯევანიძენი სოფ. ნორიოს მკვიდრნი, იგივე მაკარაშვილები (მაკაროვები) თუმცა თბილისის მოქალაქედ ირიცხებიან, სახედრო სამსახურში დაწინაურებულნიც არიან, თვის სამშობლო სოფელ-

თან კავშირს არა სწყვეტდენ ხალხის სამაგალითოდ გაუმჯობესებ. მეურნეობის წარმოებით. ამ ორთა ძმათა ორმოც წელიწადზე მეტი იქნება რაც სოფ, ნორიოში შეიძინეს ასი-ოღე დესეტინა, 37 ნაჭრად დანაწლებული და ხელი მიჰყვეს მეურნეობას: უპირველეს ყოვლისა გააჩინეს ძროხის საუკეთესო ჯიში, კარაქის კეთება და დღვება შემოიღეს შვეციის აპარატებით ევროპიულად, გამართეს ცხენების საჯოგე საუკეთესო ცხენის მოსაშენებლად — ინგლისურ-არაბულის და სხ., რისთვისაც 1892 წლიდან სხვა და სხვა გამოფენაზე დაჯილდოვებულ იქმნენ: ქების ფურცლით, მედალით, ფულით და სხ; 39 წლის წინად გამართეს საფუტკრე ახალის სამეცნიერო წესით, ამერიკული სკეზით დაიწყეს პურის თესვის გაუმჯობესება და საუკეთესო თესლა შემოიღეს. სხვები რომ ბუნებითი ტყეებს აოხრებდნენ, ანათ სოფლის სამაგალითოდ ღროკ დახრამულ ხე-ხუვებში მშენიერი ტყე გააშენეს, თილქო ბალიაო. ძმათა არჯევანიძეთა საქმიანობამ არა ერთსა და ორს სოფელს გლენს უჩვენა გზ: ფუტკრის, პურის თესლის და საუკეთესო საქონლის მოშენების. ამათის მიბაძვით ახლომახლო სოფლებშიც ნელ-ნელა დაიწყეს მუშაობა. მაგალითი ხომ პირველი საქმეა.

როგორც გადმოგვცეს დღეს ეს მეურნეობა იმზობა, ნადგურდება.

ვამეორებ, თუმცა ჩვენი ქვეყანა ბუნებით მდიდარია, მკოდნე და მუყაით ხელის უქონლობით ღარბია, რის გამოც მეურნეობის ბევრი დარგი მოშრეტალია. ბევრს ვერც კი წარმოუდგენია რა დიდი სარგებლობის მოტანა შეუძლიან მეფუტკრეობას, აბრეშუმის ქვის, მესაქონლეობას, ფრინველის მოძრავებას და სხ., ყოველივე ამას თითოეული ქართველი ინტელიგენტთაგანი, ანუ სოფელს გამოცილებული სადმე კანცელარიაში ამჯობინებს მუშაობას. რა ქნას ყრუ სოფელმა, თუ ნამდვილ ამხანაგობასა და ძმობას არ გაუწევთ, რიგიანის მაგალითით!

ამიტომაც საჭიროა ყოველ სოფლის შეგნებ. მუშაკს ხელი შეეწყოს, რითაც და ვისგანაც კა შეიძლება. კერძო თაოსნობა დიდი საქმეა, დიდი სარგებლობის მოტანა შეუძლიან და ამას წახალისება, განვითარება უნდა. ვისურვოთ, რომ ასეთ სამეურნეო კულტურულ მუშაობას მფარველი გამოსჩინოდეს.

იოსებ არიმათიელი.

შემდეგ წერილში სხვა მეურნეებს შევხვებით.

პილპილმოყრილი მადლი

სცენა ერთ მოქმედებად

(აზრი აღებულია ი. ჭავჭავაძის მოთხრობიდან)

მ ო მ ქ მ ე დ ნ ი :

- ქვრივი 44 წ.
- მეზობელი დედაკაცი, სქელ-სელი 34 წ.
- გლახა 40 წ.
- მეორე გლახა ფეხ-შიშველი . . . 50 წ.
- მედუქნე არტა ვაბერილი 30 წ.

სადამო ხანია. ძველებური სუფთა დარბაზი, იქით-აქეთ ორი კარი, ერთი ბაზრისკენ მეორე მარნისკენ. შუაზე კერა, ცეცხლი ანთია, რამდენიმე სოფლური დგამი. მარჯვნივ თარო, ნაჯახი, ცული და წალდია... მარცხნივ ტახტი, მის ასწვრივ ძველი ხალია გაკრული ხალზე ჰკიდია ძველებური თოფი, ხმალი, ხანჯალი. ფარდა რო იხდუბა, ტახტზე ზ-ს ქვრივი, დამბაჩა ხელში უჭირავს, და დაჰყურებს.

ქვრივი (დამბაჩას ჰკიდებს და თოფს ჩამოიღებს, სწმენდს, ცრემლი ერევა) ეჰ, თვალმც გამოგზრეტი სიკვდილო!.. ეს უბედური ჩემი ქმრის ნაქონია. როგორ სცდება! ჩემო უბედურო თედო, როგორც მითხარ ისე უვლი და ვწმინდავ. (ათავეებს წმენდას, თვლებიდან ცრემლს იწმენდს, თოფს ჩამოჰკიდებს. გარედან ყმაწვილების ტირილი, ხმა მოისმის: „პური მშია.“ ამის გაგონებაზე ქვრივი თავისთვის წამოიძახებს): ერთი ამ მოგონებაზე, იმ გაუმადლარ, ზარმაცს და მშიერ დედაკაცს მივაწვდი პურს, თორემ მაგისი ყმაწვილების ცოდვა სამარეში არ მომასვენებს. [მიდის კიდობნისაკენ, იღებს რამდენიმე პურს კალთაში იწყობს და გადის მეზობლისას. მეზობლიდან ხმა ისმის):—აჰა, ხეტქე, რო დაგიღია, ეგ შავის მიწით ამოსავსები პირი, შე პირ შავო შენა, შენი დღენი ძალღისავით სხვას შეტყურებ, აგერ გამოხრულს ძვალს გადმომიგდებენო. შე არ დასაცალეებლო, რისთვის მოუტია ღმერთს ეგ ბარძყის სისხო მკლავები..

(შემოდის ქვრივი და შემოჰყავს მკლავებ დაქერილი დედაკაცი და ეჩხუბება). დახე, დახე ამ წუწკსა წუწკის შვილსა, სამგლე გოჭსავით გათხვირულა, ლუკმა პურის შოვნის უნარი კი არა აქვს. რა კარგი დაეყრება იმ შენს ცოდვის შვილებსა!.. შენი მაყურებლები შენგან აბა რა კარგს ისწავლიან!.. ისინი მაინც არ გეცოდება, შე უბედურის დღისავ!.. (მისჩერებია თვლებში.)

დედაკაცი (თავისთვის) ვიცი ამის ხასიათი; მადლს თუ პილპილი არ მოაყარო გემო არ ექნება, [ქვრივს] მადლობელი ვარ ჩემო კეთილო და შემბრალე, მადლიანო ადამიანო ადამიანო...

ქვრივი (აწყვეტინებს) გაწყვიტე ხმა, შე გასაწყვეტო, მადლობა... შენთვის მაგრად შეინახე, ძონძებში გამოიკარ, არ დაგეკარგოს... დიდი განძია ეგ შენი მკლე მადლობა ჩემთვის, ო, შენმა მზემ. (დაცინვით) აგრე

ხელგაშლით რად იხარჯები?... აი, მეხი—კი დაგაყარე. მადლობა... კარგია მუქთაა თორემ, მაგასაც ხომ ვერ იშოვიდი, რომ გარჯით საშოვარი იყოს. მადლობა. ეგ შენი მადლობა, გინდა გახიე, გინდა გაფხრიწე, მე არ მესაჭიროება.

გლახა (მოარახუნებს კარებს გარედან. ქვრივი კარებს გააღებს, გლახა მიესალმება) სალამომ შვიდობის. მიწყალობთ რამე.

ქვრივი ი... ი... ი... შენ კი მოგიკვდეს ეგ უხვი-ირო თავი. ჰაი, თუ დაგიბრიყვებია ჩემისთანა სულელი დედაკაცები და ლუკმა პურს პირიდან აცლი; აი მეხი—კი დაგაყარე მაგ ქეციან თავზედ. შე ოხერო, რომ აგიღია თავი და დაეხეტები სათხოვრად, ნამუსი აღარა გაქვს? ამ წუთი-სოფელში ვისა აქვს მეტი ლუკმა, რომ შენ გაძლიოს. ვერა ხედავ შე გულ-მკვდარო, ვინც კია, წილებზედ ფეხს იდგავს, დღის სარჩოს ძლივსა ჰშოვილობს და შენ როგორღა გარჩინოს! ქვეყნისა არა გრცხვენია. არა შე ოყრავო, ჩემისთანა ქვრივი, დედაა შენი, მამა, თუ შენი მოვალეა, რომ შეგინახოს. აი გაგინმეს ეგ ხელ-ფეხი. რისთვის გასხია ეგენი მაგ მუტრუკის ტანზე, თუ ვერ მოგიხმარებია? ქვეყნას თავისი თავი კი შეუნახავს, რომ ეგ შენი ბრიყვი თავიც ინახოს? (აძლევს გასაკითხავს) ფუ, შენს ნამუსს, დაიკარგე.

გლახა. მადლობელი ვარ. (ბუტბუტით გადის)

დედაკაცი ოჰო, ჰო, ჰო, ჰო... პილპილ მოყრილ მადლს, რომ იტყვიან სწორეთ ისეთი მადლი აქვს ამ ჩვენს დალოცვილს ქვრივს. თავის დღეში, რომ არ გაეელოს საცოდავ გლახას, ამის ახლოს, ის არ ერჩია ამდენს წყევას შეტყვენას?..

ქვრივი დედაკაცი. შენ რაღას ბუტბუტებ, შე წუწკო, წუწკის შვილო, რას უყურებ, პური ხომ მოგაშაგე... წაიდი აქედან, თვალთ აღარ დამენახო შე არამზადავ...

დედაკაცი (გადის, თან აბობს:) ღმერთმა დაგწყევლოს შენც და შენი პილპილმოყრილი მადლიც.

ქვრივი — ოჰ, ღმერთო, რათ აჩენ ამ ქვეყნად ისეთ ადამიანს, რომელსაც თავისი ჯვანით პურის ქამა არ შეუძლია და ქვეყნას აწუხებს. [ისმის კარებზე კაკუნია.] ვინა ხარ?

მეორე გლახა მე თქვენი მონა მორჩილი გასლავართ, მოწყალება მოიღე, გამიკითხე.

ქვრივი მეორე გლახა! რა ეშველება ამდენ გლახებს, ჩემი საბადებელი მაგათ მიაქვთ. (კარს უღებს პურს აძლევს.) ნუ გეგონება, რომ მადლს გიშვრები რასმე—აი გაქრეს,—ჩემი თავი შენთვის არა გაიმეტოსრა, წამოშავიდი მარანში ღვინოს ჩაცაცეცხლებ. აი-ქვევრში რაღაც წუმპე ჩარჩა, მაინც გადასალვრელია, გადაღვრას შენ ჩაცეცხლო. [მიჰყავს მარანში, ღვინის დაღვრის შემდეგ შემოჰყავს სახლში და ეუბნება:] ეგ ხომ ჩაცეცხლე, გახეთქოს შენი მუცელი, მაგასაც (გაღუტანხარ, რომ მეორედ აღარ მენახოს შენი თავი...

ჩემი გულით

მეორე გლახა მადლობელი ვარ [გადის ნელ-ნელა და თან უმადურობის სიტყვებს ამბობს.]

ქვრივი [რომ შეხედავს მიმავალს დაუნახავს დახეთქილ ფეხებს და დაუძახებს:] დამაცა შე არ დასა-ცალებელო. [გლახა შესდგება. ქვრივი თავისთვის ამბობს:] უქალამნობით ფეხები დახეთქილი აქვს, ამ აღრე და მალე სასიკვდილეს. [წამოისხავს შალს და ეტყვის:] ჩემთან მოშავდი შე აღრე სასიკვდილე და გვიან დასამარხავო.

მეორე გლახა [გაოცებული ხელების შლით მი-ვა და ამბობს:] რა უნდა ჩემგან, რომ აღარ მიშვეას. რა ჭირად შემოვედი, მე ამის წყევას და ყვედრებას ვერ გადურჩები.

ქვრივი (კარებში გაიხედავს, ხმა მალა დაიძახებს.) ბიჭო არტა! მედუქნე, ერთი შოლტი ღორის საქალამნე მომეცი. (ხმა გარედან ეხლავს).

მედუქნე [შემოაქვს საქალამნე და აძლევს ქვრივს;

ქვრივი [ქვრივი საქალამნე ათვალნერებს და თან გლახას ეუბნება:] აი, შე არ დასარჩენო, ეს შე-ნთვის ვიყიდე ამოისხი და ჩაიცვი. [თან ზომავს.]

მედუქნე რაო, მაგისთვის იყიდე, გემართა თუ რა?

ქვრივი (მოატყუებს) მაშ არადა, მაგის თავის მზემ, ჩემს თავს მოვაკლებდი და მაგის ქალამნებში მი-ცემდი. (საქალამნეს გლახას თავში მიახეთქებს).

გლახა (თვალეებზე ხელს მიიფარებს და წაილუ-ლულდება) პილილ მოყრილი მადლი ეს არის. (გადის.)

ფ ა რ დ ა .

გ. კვაცხუელი.



პორტილე გორგოშიძე

უფროსი უნტ.-ოფიცერი, ჟურნ. „თეატრი და ცხოვრ-ება“-ს ასოთ ამწყობი, დაიჭრა ჩოლოქთან 1918 წ. აპრილის 8-ს **გ. გოგვაძის** ჯავშნოსან მატარებელზე (№ 4) როდესაც ოსმალთა გურიის საზღვარს შემთესია და ამ შემოსეულ მტერს გააფთრებით ებრძოდა. აქვე დაიჭრა მისი მეორე ძმა **ალექსანდრე**. ესეც **ჯავშნოსან** მატარებლის რაზმელი. ორივე გმირი ძმა დაჯილდოე-ბული იქმნენ გიორგის ჯვრით.

ოხ, ჩემი გული—
 მარად დაგული
 როდის იქნება რომ აყვავდება!..
 სამშობლოს წყლული,
 დევნილი სული
 განიკურნება-გამომთელდება!..
 ნუ თუ საფლავი—
 მრისხანე, შავი
 ისე მიმუხთლებს სატრფოვ ჩაგრულო,
 რომ ჩემი ერი
 მხნე და ძლიერი
 აღარ ვიხილო გონს შაცემულო!..
 ნუ თუ მარადის
 ჭირი რაც დაღის
 ცოდვილი ქვეყნის სამფლობელოზე
 და ცის გრიალი,
 რისხვით ტრიალი
 სკექს და იქუხებს შენს მთა ველოზე!..
 და გლოვის ზარი
 ტირილი მწარი
 არ მიიცვლება, აღარ გაჰქრება
 და მის საფლავზე
 ცის კრის ვარსკვლავზე
 არ აყვავდება კვლავ ნეტარება!..
 არის ნიშანი
 და მრწამს მიზანი
 ძღვევის გვირგვინით შეიმოსება,
 თუ ერის ხელი—
 მრისხანე, ცხელი
 მტერს მახილოს ჩასცემს, შეეკვეთება
 და კიოეც ვცანი—
 მისი მგოსანი,
 რომ მოვესწრობი მის კეკლუცობას,
 მთისა და ველის
 მტრის გულის მწველის
 ცის ჰანგით სტყენას, მუსიკალობას!..

ტრემუნაღენი



საქართველოს განთავსების მოღვაწე

(1832 წ. „ფართული საზოგადოება“)

(გაგრძელება. იხ. თ. და ც. № 11)

რუსებმა რომ ნახეს თვალთ და გაიცნეს ქართველი ერის ოჯახის ძლიერება და ავ-კარგიანობა, მაშინვე დაიწყეს თავისებური მოწესრიგება. ყველა ეს მოწესრიგება იყო ქართველი ერის დაქვეითება, დაჩაგვრა, ქართველი ოჯახის მოსპობა, თითქმის საქართველოს ერის განადგურება; მათი ხსენების გაქრობა, ქართველის გარუსება, ქართული ენის მოსპობა და მის საშუალებით საქართველოს რუსეთთან გაერთიანება. ამის შესრულებას შეუდგნენ იმ ხანიდან, როცა კი მათ შესძლეს ეს და მოახერხეს. რუსებმა თვისის ბოროტებით მალე გამოიწვიეს ქართველებში წინაღმდეგობის აღორძინება. და რუსთავან საქართველოს განთავსების უზრუნველყოფის აზრი. აი ესეც მათი ბოროტებანი, რაც შეიძლება მოკლეთ: რუსებმა საქართველოში შემოსვლის უმაღლეს დაამდაბლეს ქართველი ერი. დაამდაბლეს ქართველი ერი და დაუწყეს გმობა. ყველგან საქართველოში მოსპეს ქართული ენა და ამ ენით საქმეების გაერჩევა და კამათი. მათკი პირობა ჰქონდათ, რომ ეს არ უნდა ექმნათ. მოსპეს ქართული საწავლებელი და მის მაგიერ დაარსეს რუსული სამხედრო სკოლები და კაზარმები. ქართველ თავად-აზნაურებს და მათ ყმათა ერთობას შერიანის თვალთ შეხედეს. ამიტომ თავად აზნაურთა და მათ ყმა გლეხთა შორის დაამკვიდრეს განხეთქილება, მტრობა და ერთმანეთის სიძულვილი. შეიშურეს თავადის შვილების დიდი გვარის და დიდი მამულ დედულის პატრონები და ისურვეს მათი გადატაცება. გლეხებს აპყარეს ის პატივის ცემა, რაც მათ აქვინდათ საქართველოს მეფობის დროს. ამიტომაც მათ გარყვნეს მთელი თავად-აზნაურობა ასწავლეს ყველა ნაირი სიყვარვე. თავად-აზნაურნი თამაშობაში აგებდნენ მამულებს, ყმებს, ერთმა ცოლიცკი წააგო. თბილისში რუსებმა დახსნეს საკანოები კაბაკები, ტრახტირები, მიკიტის დუქნები და სხვაც ასეთი საყმობაზო სახელები. აქ სიარულს მიეჩვია ქართველი ერი, ქეიფებს, ლხინებს და ამისათვის ყველაფრის თვით უძრავ მამულების, დაგირაგებას და გასყიდვასაც მიჰყო ხელი. ასეთის ოსტატური მტრობით დაეცა ქართველი კაცის აყვავებული ოჯახი და გაწრიოდა, დაეცა თავად-აზნაურობა: არისტოკრატიულ თავადის შვილობა, შეძლებული სოფლის გლეხი ოჯახის შვილები და თვით ქართველი მოქალაქენიც. ყველა მათ გაქრობას ხელს უწყობდა რუსეთის მთავრობა. რუსები სიხარულს იყვენ მიცემულნი. ამ სახით არ აღსრულდა რუსეთის პირობის სიკეთენი. რუსების მთავრობის ბოროტება მართლთ ამითი არ გათავდა; აქ ბევრი კიდევ სხვა არის მოათვლელი ხლო ყველას ვერ მოვსთვლით. 1801 წ. შემდეგ რაკი რუსებმა საქართველო ხელში ჩაიგდეს მის შემდეგ ქართველი ბატონიშვილი სულ რუსეთში გადასახლეს, მათ იქ მისცეს ცოტა დახმარება და სუყველა

მასთან გარყვნეს, გაალოთეს, გააბოზეს. ამერ-იმერეთის ბატონიშვილის რიცხვი 100 კომლზედ მეტი იყო, სულ მოსპეს უტოლშვილოთ. რუსებმა ეს მიტომ ქმნეს, რომ ამათი ეშინოდათ, მამრობითი სქესი არ გამრავლდეს და მერე საქართველოზე დავა არ აგვიტეხოს, მეერი ამთგან ჩუმათ მოკლეს, ზოგი მოწამლეს, აგრედვე უყვეს თბილისში მცხოვრებ ალექსანდრე ბატონიშვილს ირაკლის. ამის ერთი ვაჟიშვილი ძიამ შესყიდვით ბალკონიდან ჩააგდო და ბავში ამით მოკვდა 1880 წ. რუსის მთავრობამ ქართველებს დაუხსნა ისეთი ფულის სასესხებელი კასები და მერე პრიკაზი, სადამაც ქართველები ადვილათ ისესხებდნენ ფულებს და უვალო კაცნი ვალიანდებდნენ. ამისთანა მანქანებით დავალიანდა მთელი ქართველი ერი და მერე ასე დავალიანებით დაირღვა ქართველი კაცის აყვავებული ოჯახი, მამულები და ყველივე სულ დაისყიდა ვალებში. რუსის მთავარ-მართებული მიხ. ვარანცოვი რომელიც საქართველოში ჩამოვიდა 1846 წ. იყო მეტათ მოხერხებული მტერი ქართველი ერისა. ამან ქართველებს თავი შეაყვარა, 1851 წ. ამის თაოსნობით გ. ერისთავმა ქართული თეატრი დაარსა თბილისში. 1852 წ. ამისივე დახმარებით გამოიცა ჟურ. „ცისკარი“, დაარსა სკოლები და ყველა ამებთან გახსნა მამულების დასაგირაგებელი პრიკაზიც, სადაც ქართველ თავად-აზნაურებმა იწყეს თავიანთ უზარმაზარ მამულების დაგირაგება, მერე ამ „პრიკაზის“ ვალში ეს მამულები სულ ზურმის ფასად იყიდებოდა. ვორონცოვმა ქართველებში ისე გაიკეთა სახელი, ვითომც იგი ქართველი ერის გულშემტყვიარი იყო ის კი არა იგი იყო ჩუმი მტერი და ისეთი ბოროტი, რომლის მსგავსი ნაკლებად მოიძებნებოდა თვით აშკარად ბოროტად ცნობილთა შორისაც.

(გაგრძელება იქნება)

ზ. ზიზინაძე


ფრუბილან

თუ გინდა რომ კაცის გული დაიმონოს ციურ ჭანგმა, სიმწუნსაქს მიუმღეროს ცით მოძღვნილმა შენმა ჩანგმა სულ ცოტას მისთანები, რომელთ ეწყოთ ტკბილად მღერა, თავისუფალ, უდარდელ გულს რომ ეძინა -- ჰმარეგებერა, ღმერთი

ქართლის ლოცვა

ღვთისმშობელს გვედრებით,
მეგვანიჭე გამარჯვება:
ძირს დამხე ჩვენი მტერი,
კეთილს მიეც ამაღლებას...

მეთოდე ასათიანი



ქართული
საბჭოთაო
კულტურა

სამშობლოს მსხვერპლნი



პოდ. იასონ ნაკოლოზის ძე ფილიპია (1891-1918)

ჩვენი სამშობლოს აღდგენა და წელში გამაგრება ახალ-ახალ მსხვერპლს ითხოვს. ეს მსხვერპლნი არიან სახელოვანი და უკვდავნი თვის ერის ხსოვნაში.

ერთი ამგვართაგანია პოდ. იასონ ნიკ. ფილიპია.

სოფ. ხეთის ზუგდ. პაზრ. (სამეგრელო) მცხოვრები იასონ ნიკ. ფილიპია, ხეთის ორ კლასიან სკოლაში სწავლა დამთავრებული და თვითგანვითარებული, გაიწვიეს სამხედრო სამსახურში 1915 წ. აპრილში, 21 წლისა, ჩარიცხეს უბრალო ჯარის კაცად ერთ ერთ ჯარის ნაწილში და გაგზავნეს შორეულ რუსეთში, ორენბურგში. სამსახურში მან მყისვე მიიქცია უფროსების ყურადღება, დანიშნეს „უჩებნი კამანდაში“, მერე ორენბურგის სპარაპორშიკო სკოლაში რაც იმავე წელს გაათავა.

1916 წ. იანვარს სათადარიგო პოლკში დანიშნეს რუსეთში, ექვსი თვის მერე გაგზავნეს დასავლეთის ფრონტზე მე 765-ე ქვეითა ზიმინციის პოლკის მეათე როტის უფროსად, ფრონტზე დარჩა წელიწად ნახევარს და მუდამ ბრძოლაში მონაწილეობდა.

შორეულ რუსეთიდან თვის ხშირ-ხშირ ბარათებში მუდამ იმას იწერებოდა „როდის ველირსებით იმ ნეტარს დროს როცა ჩვენს სამშობლოში აილაგმება ავაზაკ-ნაძირალთა თარეში და სწავლა-განათლებას აქცევდეს ყველა ყურადღებასო.“


1917 წ. დეკემბერს 20-ს ჩამოვიდა დროებით მაგრამ არეულობის გამო აქ დარჩა და 22-ს იანვარშივე მესამე ქართულ პოლკში ჩაეწერა. მონაწილეობდა ბოლშევიკებთან წინააღმდეგ ბრძოლაში ოფიცერთა რაზმში ქალ. ზუგდიდში, ბოლო დროს 18 ივნისს კი სხვა რაზმთან ერთად გაიგზავნა სოხუმის არეულობის ჩასაქრობლად, სადაც სოფ. ხოსტაში ქ. სოჩის ახლოს 5 ივლისს ბოლშევიკებთან ბრძოლაში გმირულად მოკლულ იქმნა.

როგორც მტებთან მეხმარი, იგი იყო ყოვლად უშიშარი, გულადი; იგი მუდამ ბრძოლისკენ მიისწრა-

ფოდა, ამხანგობაში ბევრჯერ ოთქვამს „ჩემი გარდაცხადებული ტყვიის კბილთ დავიჭირამო.“

რუსეთიდან რომ ჩამოვიდა მან არ მოისურვა სახლში გაჩერება, მყისვე ჯარში ჩაეწერა, მას სწყუროდა სამშობლოს სამსახური. უშიშარობამ და სამშობლოსათვის თავდადებულობამ ბოუსპო მას ჯანსაღი ახალგაზდა სიცოცხლე. დიახ! იასონი იყო სულით და გულით ერთგული ჩვენი საქართველოს ნორჩი დემოკრატიული რესპუბლიკისა. მას უნდოდა ესახელებინა თავი საქართველოს მტრებთან ბრძოლაში და კიდევაც შეასრულა ნატვრა: გმირულად შესწირა თავი.


სალხში კი დარჩენ შავებში ჩამსხდარნი მოხუცი დედმამანი, დები და ძმები, რომელთა ცრემლის ნაკადული დღესაც იღვრება; რათ ღირს მათი ცხოვრება უიასონოთ, მაგრამ იმ იმედით ინუგეშებენ თავს, რომ რესპუბლიკას ესაჭიროებოდა ერთგული მებრძოლი; ბევრმა უკვე შესწირეს თავი და კიდევ საჭიროა შეეწიროს და აი მხოლოდ ესა ანუგეშებს იასონის, შავებში ჩამსხდარ დედ-მამას.



არსენ ტურაბელიძე

შორაპნის სახელოვან გვარდიის სახელოვანი გმირი, მონაწილეობას იღებდა ანარქიასთან ბრძოლაში. იგი იყო ახალციხეში, ნატანებში, სოხუმში, თბალისში, მონაწილეობას იღებდა თათრების წინააღმდეგ ბრძოლაში. 17 ივნისს გულაუთთან ცხარე ბრძოლის დროს მოწინააღმდეგის გამოსროლილი ტყვია მოხვდა თვალში, მაგრამ იგი არ შემკრთალა, ეცა ტყვიის მფრქვეველს, რამდენჯერმე მოასწრო გასროლა და კიდევ დაეცა ძირს. მტერმა იგი სასტიკათ აწამა და ისე მოჰკლა. საუკუნო იყოს ხსენება შენი საყვარელო არსენ. საქართველოს რესპუბლიკის გმირთა შორის შენი სახელიც მარად ვარსკვლავით იკაშკაშებს.





ს ა ლ ა მ ი !

სადაში „თეატრი და ცხოვრება“-ს რამდენიმე ჩვენი დროის საარაკო სიძვირის დროს მაინც გამოდის და სულიერ წყურვილს ოდნავ მაინც გვიკლავს. გასაცანის, რედაქციის რეგულარულ უძღვებებს სურათებისა და ქაღალდის ეკოდენ ხარჯებს!

ნება მიბოძეთ მე, რეგულარულ თავისუფალ საქართველოს მოქალაქემ და ჩვენი კულტურულ წარმატების ერთმა მონატრეთაგანმა 50 მან. შემოგავლოთ. ჯერ ხნობით მაინც ეს ჩემი წვლილი სულით და გულით გიხურავთ წარმატებას.

შეთხველი: გ. ი. რ ძე

პატივცემულო რედაქტორ!

ხუთშაბათს, 18 ივლისს 1918წ. ქ სურამში, ქარ. მოწვევით სტენის მოყვარულთა მიერ გამართულ იქმნა სადაში, თქვენს პატივცემულ ჟურნალ „თეატრი და ცხოვრების“- სასარგებლოდ. წარმოდგენილი იყო დრ. ესკიფი „ღურჯია სადაში“, კომ. „დადოქტანს“ და ვოლ. „დატრიალდა ჯარა“. წმინდა შემოსავალი დაგროვდა 200 მან. (ოცდი თუმანი) რამდენიმე გიგანტით.

გამგე: შ. ვარსიმაშვილი.

რეჟის. კონია მურვანიშვილი.

ქ სურამი 1918წ.

ჟურნ. „თეატრი და ცხოვრება“-ს

შემოსწირვის

- 1, გ. ხუციშვილი — — — — — 5 მ.
- 2, გ. გიგოძემ — — — — — 3 ე.
- 3, ი. სტურუამ — — — — — 10 მ.
- 4, გ. კოლეჯიშვილმა — — — — — 5 მ.
- 5, ვ. თურაბულიძემ — — — — — 100 მ.
- 6, პ. ი. რ. ძემ — — — — — 50 მ.

შემომწირველთ გულითადაც მადლობას გუძღვნივით. რედ.

ვევლას:თვის საჭირო და სასარგებლო წიგნი (ოცდა ხუთი წლის ნაშრომი)

სუცხო სიგყვათა ლ ე მ ს ი კ ო ნ ი

შედგენილი იოსებ იმდაშვილის მიერ, მეორე შვიკსებულ-შესწორებული გამოცემა, გამოვლდა. შეიცავს 1100 გვ. ხელის მომწერათვის, საუკეთესო უდით — 20 მან, უუდით — 15 მან. (წინადა შემოტანისას გამოცხადებით). ბაზარზე უდით — 30 მ., უუდით 25 მ. საწყობი: თბ-ლისი, ბაზარი ქ. ნომერი 20, ალექსანდრეს ბაღის მიმდებარე, რედაქცია „თეატრი და ცხოვრება“

რედაქტორ-გამომცემელი იოსებ იმდაშვილი